



Broj: 01/01-1860/10-2023

Sarajevo, 08.11.2023. godine

Na osnovu člana 69. stav (1) tačka a), člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14 i 59/22), na preporuku Komisije za provođenje postupka nabavke broj: 01/01-1860/9-2023 od 08.11.2023. godine za nabavku roba: **Oprema za biohemijsku i hematološku analizu** Dekan Univerziteta u Sarajevu-Prirodno-matematičkog fakulteta donio je

## ODLUKU o izboru najpovoljnijeg ponuđača

### Član 1.

Prihvata se Preporuka Komisije za provođenje postupka javne nabavke broj: 01/01-1860/9-2023 od 08.11.2023. godine i ugovor za nabavku roba: **Oprema za biohemijsku i hematološku analizu** dodjeljuje se ponuđaču **BERG d.o.o. Sarajevo** čija ukupna cijena ponude iznosi **60.000,00 KM bez PDV-a** kao najbolje ocijenjenom ponuđaču.

### Član 2.

Izabrani ponuđač se oslobađa dostavljanja dokaza traženih tačkom 7. Tenderske dokumentacije, jer je u okviru ponude već dostavio iste.

### Član 3.

Ova odluka objavit će se na web-stranici [www.pmf.unsa.ba](http://www.pmf.unsa.ba) u skladu sa članom 70. stav (6) Zakona o javnim nabavkama BiH.

### Član 4.

Ova Odluka stupa na snagu danom donošenja.

### Obrazloženje

Postupak javne nabavke pokrenut je Odlukom o pokretanju postupka javne nabavke roba: **Oprema za biohemijsku i hematološku analizu** broj: 01/01-1860/3-2023 od 02.10.2023. godine.

Obavještenje o nabavci broj: 29340-1-1-67-3-67/23 05.10.2023. godine objavljeno je na Portalu javnih nabavki i u Službenom glasniku BiH broj: 71/23.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 26.10.2023. godine, tendersku dokumentaciju preuzeli slijedeći potencijalni ponuđači: SHIMADZU D.O.O., SARTORIUS LIBRA ELEKTRONIK D.O.O., EMEDING DOO, INSTRUMENTS, EKAPIJA DOO, T - CONSULTING D.O.O. SARAJEVO, BBS EUROPE, AB MEDIC D.O.O., ELTA 90 MB D.O.O., ALPHACHROM D.O.O., SONO MEDICAL DOO, LAB UNICA D.O.O, DOO EUROLAB,

KRAJINAGROUP D.O.O. BANJA LUKA, MEDICHEM D.O.O., ANALITIKA D.O.O. SARAJEVO, MIKRO+POLO D.O.O., VETERINARSKI FAKULTET, DIMED D.O.O. SARAJEVO, HELIA, BOSNA-VET DOO i BERG DOO.

Iz *Izveštaja o pitanjima i odgovorima* u periodu koji je ostavljen za dostavljanje ponuda, vidljivo je da za navedeni predmet nabavke ponuđači nisu postavljali pitanja u vezi pojašnjenja tenderske dokumentacije.

Iz *Zapisnika o otvaranju ponuda* vidljivo je da je Komisija za javne nabavke dana 26.10.2023. godine po redoslijedu zaprimanja izvršila javno otvaranje blagovremeno prispjelih ponuda:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	Lab Unica d.o.o. Sarajevo	Da	01/01-1860-1/6-2023	17.10.2023.g. u 13:55 sati
2.	BERG d.o.o. Sarajevo	Da	01/01-1860-2/6-2023	20.10.2023.g. u 10:14 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda prosljeđen je putem email-a svim ponuđačima koji su blagovremeno dostavili ponudu.

Komisija za provođenje postupka javne nabavke je na zatvorenom sastanku pristupila pregledu i ocjeni ponuda, kako bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljenih ponuda kako slijedi:

Redni br.	Naziv i sjedište ponuđača	Ponudeni popust	Ukupna cijena ponude
1.	Lab Unica d.o.o. Sarajevo Stupska 19C-II 71210 Ilidža Sarajevo	0,00 KM	Cijena ponude bez PDV-a =50.164,57 KM 0% popust <b>Ukupna cijena ponude sa uračunatim popustom bez PDV-a =50.164,57 KM</b> PDV na cijenu ponude= 8.527,98 KM Ukupna cijena za ugovor = 58.692,55 KM sa PDV-om
2.	BERG d.o.o. Sarajevo Grbavička 7a 71000 Sarajevo	0,00 KM	Cijena ponude bez PDV-a =60.000,00 KM 0% popust <b>Ukupna cijena ponude sa uračunatim popustom bez PDV-a =60.000,00 KM</b> PDV na cijenu ponude=10.200,00 KM Ukupna cijena za ugovor =70.200,00 KM sa PDV-om

Nakon pregleda i ocjene ponuda, Komisija za provođenje postupka javne nabavke utvrdila je da je ponuđač **Lab Unica d.o.o. Sarajevo** dostavio potpisanu *Izjavu o garantnom roku -Aneks 9.*, međutim ista nije ovjerena pečatom ponuđača. Uvidom u tehničku specifikaciju Komisija za provođenje postupka nabavke

ocjenila je da dostavljena tehnička specifikacija koju nudi ponuđač nema tehničke karakteristike utvrđene Tenderskom dokumentacijom, te da je u skladu sa naprijed navedenim **ponuda neprihvatljiva**.

**Traženo: stavka 1.** Doziranje reagenasa: R1 50 – 300 µL, R2 10 – 200 µL, Podesivo u koracima od 1 µL;

**Ponuđeno:** Ponuđeni aparat ima raspon za R1 100-200 µL i podesiv je u koracima od 0.5 µL (volumen podesivosti je manji od onog koji je tražen).

**Traženo: stavka 1.** Mogućnost postavljanja bočica reagenasa različitih volumena i to: 5, 20, 50 ml;

**Ponuđeno:** U dostavljenoj specifikaciji nije vidljiv podatak o volumenu reagens bočica.

**Traženo: stavka 1.** Mogućnost korištenja jednog reagensa za nekoliko testova istovremeno;

**Ponuđeno:** U dostavljenoj specifikaciji nema ove mogućnosti.

**Traženo: stavka 1.** Mogućnost praćenja reakcije u realnom vremenu;

**Ponuđeno:** Ponuđeni aparat nema mogućnost praćenja reakcije u realnom vremenu.

**Traženo: stavka 2.** Mogućnost rada sljedećih parametara: WBC, LYM%, LYM#, MON%, MON#, NEU%, NEU#, EOS%, EOS#, BASO%, BASO#, RBC, HGB, HCT, MCV, MCH, MCHC, RDW\_CV, RDW\_SD, PLT, MPV, PDW, PCT, P\_LCC, P\_LCR, RET%, RET\_ABS, IRF, NRBC%, NRBC#, LIC%, LIC#, ALY%, ALY#;

**Ponuđeno:** Ponuđeni aparat nema mogućnost mjerenja RET% i RET\_ABS.

**Traženo: stavka 2.** Vrsta kalibracije: standardna kalibracija, kalibracija sa kalibracionim materijalom, manuelna/ručna kalibracija.

**Ponuđeno:** U dostavljenoj specifikaciji nema podataka o mogućnosti kalibracije.

**Traženo: stavka 2.** Mogućnost povezivanje eksternih komponenti: tastatura, barkod skener, printer.

**Ponuđeno:** U dostavljenoj specifikaciji nema podataka o barkodu ni o povezivanju eksternih komponenti.

**Traženo: stavka 2.** Mogućnost rada sa sljedećim grupama: pas, mačka, konj, pacov, miš, zec, majmun, krava, svinja, bik, ovca, kamila, koza kao i dodatne grupe na zahtjev korisnika.

**Ponuđeno:** U dostavljenoj specifikaciji nema podataka da se aparat koristi za veterinarsku dijagnostiku.

Komisija za provođenje postupka nabavke utvrdila je da ponuda ponuđača **BERG d.o.o. Sarajevo** ispunjava sve minimalne uslove za kvalifikaciju tražene tenderskom dokumentacijom, te da je ista **prihvatljiva**.

Shodno navedenom, Komisija je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu -Prirodno-matematičkog fakulteta da u predmetu nabavke roba: **Oprema za biohemijsku i hematološku analizu donese Odluku o dodjeli ugovora ponuđaču BERG d.o.o. Sarajevo, čija cijena ponude iznosi 60.000,00 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH



DEKAN FAKULTETA

Prof. dr Nusret Drešković

**Prilog:**

- Zapisnik o pregledu i ocjeni ponuda

**Dostaviti:**

- Ponudaču: **Lab Unica d.o.o. Sarajevo**
- Ponudaču: **BERG d.o.o. Sarajevo**
- Dosije nabavki
- a/a

Akt pripremila: Emina Hadžić, viši stručni saradnik za projekte i poslove javnih nabavki